

# Cudesch da documents grischun, tom IV, 1304–1327

Nova publicaziun 2001

■ (cc) Ils 15 da matg 2001 vegn preschentada a Cuira ina impurtanta nova publicaziun sin il sector da la perscrutaziun da l'istorgia grischuna. I sa tracta dal tom IV dal cudesch da documents grischun, ina ovra fundamentala davart l'istorgia medievala grischuna. L'onn 1937 ha la societad istorica antiquara dal Grischun concludì d'edir ils documents che pertutgan il Grischun davent da l'origin da l'uvestgjeu da Cuira enturn l'onn 400 fin als artitgels da Glion da 1526. L'onn 1955 è cumparì l'emprim tom dal cudesch da documents grischun, redigì d'Elisabeth Meyer-Marthaler e da Franz Perret cun ils documents da 390 fin 1199, e l'onn 1973 è suandà il segund tom che cumpiglia il temp da 1200 fin 1273. A l'entschatta dals onns settanta han ins suspendì l'activitad editoriala.

Il cudesch da documents grischun è restà er vinavant in grond desideri da la perscrutaziun istorica. Sin proposta da la societad istorica antiquara dal Grischun ha la regenza grischuna concludì l'onn 1989 da cuntinuar cun l'ovra. Per quest intent ha ella creà la piazza d'in collavatur scientific tar l'archiv chantunal. Quella piazza è vegnida occupada l'onn 1991 cun *Lothar Deplazes*. Sco collavatur è vegnì engaschà *Otto P. Clavadetscher*. La finanziaziun dal cudesch da documents grischun succeda entras il chantun Grischun ed entras considerablas contribuziuns dal fond naziunal svizzer per la perscrutaziun scientifica, da la citad da Cuira e da la societad istorica antiquara dal Grischun. Editur è l'archiv chantunal dal Grischun.

Il preschent tom IV dal cudesch da documents grischun cuntegna ils documents che pertutgan il territori dal chantun Grischun da 1304–1327. Il material deriva da 97 archivs da la Svizra

e da ses pajais vischins. Ils redactors han surprindì essenzialmain il plan d'ediziun dal «Chartularium Sangallense» ch'è sa cumprovà. En furma da text integral è stampads documents ch'han in emettur u retschavider grischun u dals quals ils objects giaschan en il chantun Grischun. En furma da registes èn edids ils documents che menziunan perditgas grischunas, garants u lieus d'emissiun grischuns u sumegliantias chaussas. Ils texts vegnan producid tenor la meglra tradiziun, sco quai ch'ils principals moderns d'ediziun pretendan. Il commentari da materias, surtut l'identificaziun da las personas e dals lieus, è per part da character provisorio e na duai betg anticipar la perscrutaziun specifica. Ins vul cuntanscher ina solida ovra da funtaunas che serva tant a l'istorgia grischuna sco er a la medievalistica internaziunala.

Enturn 1300 vegn il territori grischun

dominà sper l'uvestg cun ses domini che s'extenda sur las Alps ora da numerus signurs feudals seculars ed ecclesiastics sco represchentants da la suveranità. Quels èn avant las dretgiras, ils vischinadis e las personas singulas ils pli impurtants purtaders da la tradiziun scritta en documents. En quest connex dominescha en il sid l'act notaril si da l'Italia ed en il nord la pergamina da sigil. Davent dal 13avel tschientaner cumparan ils documents da furma maschadada da l'Engiadina ed ils documents tudestgs scrits oravant tut dals scrivants da l'uvestg. La diversitad territoriala, politica e culturala dal territori retic cundiziunescha la multifariadad da las funtaunas en scrit che giustifitgeschan er vinavant in interess spezial da la perscrutaziun.

Bündner Urkundenbuch, tom IV, 1304–1327, redigì dad Otto P. Clavadetscher e da Lothar Deplazes, edì da l'archiv chantunal dal Grischun, Cuira 2001

## Da notars che scrivan in latin nausch

CUN LOTHAR DEPLAZES HA DISCURRÌ  
PEIDER ANDRI PARLI/ANR

*23 onns ch'è tractada en il tom quatter?*

*Lothar Deplazes, tge eran ils problems ils pli gronds per realisar il tom quatter dal Cudesch da documents grischun?*

I sa tracta da 640 documents ch'èn per part edids integralmain cun il text, per part en furma resumada.

*Quants da quels documents èn rumantschs?*

Sa chapescha nagins. Il rumantsch n'era betg in linguatg da scrittira en il temp medieval. Quai è vegnì pir cun la reformaziun e dal temp da l'umanissem e da la cunterrefurmaziun.

*En tge linguatg èn quels documents pia scrits?*

La gronda part en latin ed ina part, jau less dir circa 20 pertschient, en tudestg medieval.

*Quant ha custà la realisaziun da tut quest'ovra? E quant sto il chantun Grischun pajar londervi?*

Quellas cifras sai jau betg numnar uschè exact. Per quel tom hai jau luvrà uss trais onns e mez e jau sun emploià da l'archiv chantunal e retir qua mia paja sco auters.

*Co vai uss vinavant?*

Nus cuntinuain uss cun il proxim tom che vegn a cumpilar ils documents da 1328 fin circa 1350.

*Quants documents cumpiglia questa perioda relativamain curta da*